

# BEDYDD CRIST

GENESIS 1:1-5; SALM 29; ACTAU 19:1-7;  
MARC 1:4-11

---

---

## ● Gweddi agoriadol

Addolwn di,  
O! Arglwydd ein Duw,  
yn ysblander dy sancteiddrwydd,  
gan wybod yn iawn am dy ras a'th drugaredd  
ac ym mhresenoldeb dy bobl,  
ein brodyr a'n chwiorydd yng Nghrist.  
Addolwn di,  
O! Arglwydd ein Duw.

## ● Moliant

Yn y dechrau  
roeddet ti yno,  
ac roedd y byd hwn  
a phopeth ynddo  
yn rhan o'th gynllun.

Yn y dechrau  
roeddet ti yno,  
Dad, Mab  
ac Ysbryd Glân,  
a thragwyddoldeb yn dy law.

Yn y dechrau  
roeddet ti yno,  
Greawdwr,  
a'th air yn dod â goleuni  
i dir tywyll a llwm.

● **Cyffes**

Atgoffa ni, Arglwydd,  
wrth i ni ymdrechu  
gyda beichiau'r bywyd hwn,  
i ti, wrth gerdded  
o ddyfroedd bedydd Iorddonen,  
ymostwng i fywyd  
o wasanaeth dwyfol ac aberth.

Deuai deillion i weld,  
byddariaid i glywed,  
cloffion i neidio mewn llawenydd --  
ac er ein mwyn ni,  
rhai heb eu geni,  
dioddefaist waradwydd,  
dy freichiau ar led  
mewn cariad  
ar groes.

Dyna olwg amgen  
ar ein beichiau, Arglwydd.  
Maddau i ni, atgoffa ni  
a chydia amdanom  
yn dy freichiau cariadus yw'n gweddi.

● **Diolch**

Am y rheini sydd,  
mewn gair a gweithred,  
yn cyhoeddi dy enw  
ar y strydoedd hyn,  
sy'n byw'r bywyd a bregethant  
ac sydd, drwy dy Ysbryd, yn tystio  
i'r un sydd wedi dod  
ac sydd i ddod;  
am y rheini a'n harweiniodd  
i'r lle hwn  
lle bodlonir dyheadau  
gan yr un sydd yn wir Fab Duw,  
rydym yn wir ddiolchgar.  
Bendithia hwy,  
a boed i'w hesiampl  
fod yn ysbrydiaeth i ni.